

Vuodđodorvolávdegoddi**Áigi** 17.05.2022 dmu 11:30 - 13:12**Báiki** Gielddadállu, váldostivrasále**Giedahallon áššit**

§	Bajilčála	Sivu
25	Lágalašvuohta ja mearridanváldi	4
26	Beavdegirjji dárkkisteaddjiid válljen	5
27	Bargoortnega dohkkeheapmi	6
28	Dili birra oanehaččat	7
29	Ruhtadili birra oanehaččat	8
30	Gieldačatnasanbivdda ahkeolbmuid ássama ovddideapmi Lappi buresveadjinguovllus -projektii	9
31	Buohccedikšu virggi heaittiheapmi	10
32	Buohccedikšu doaimma vuodđudeapmi	11
33	Diehtosuodjeovddasvástideaddji nammadeapmi sosiáladoibmii	12
34	Lassemearruhta, vuodđodorvolávdegoddi	13
35	Sosiálafuolahuslága mielde sáhttobálvalusaid mieđihanákkat 1.7.2022 rájes	15
36	Oapmahašdivššu doarjaga mieđihanákkat ja heivehanrávvagat	16
37	Bátnedoaktára virggi deavdin	17
38	Rabasbálvalusjodiheaddji virggi deavdin	19
39	Ohcejoga dearvvasvuodaguovddáža rabasvuostávdima sihke seanğaossodaga bargoveahkadilli geassit 2022	21
40	Mearreáigásaš guđege barggu mielde máksojuvvon bálkálassi dearvvasvuodáfuolahusa ja sosiálafuolahusa dikšunbargiide 1.5.-30.9.2022 áigái	23
41	Áššit diehtun	26

Oasseváldit

Mielde	Namma Halonen Markku Oikarinen Pasi Parkkonen Anne Wargh Kirsi-Marja Snellman Aino Guttorm Maija-Liisa Nordberg Aulis	Dmu 11:30 - 13:12 11:30 - 13:12 11:30 - 13:12 11:30 - 13:12 11:30 - 13:12 11:30 - 13:12 11:30 - 13:12	Bargu Ságadoalli Várreságadoalli Lahttu Lahttu Lahttu Várrelahttu Várrelahttu	Lassedieđut
Eret	Rautajoki Mervi Aikio Mika Rasmussen Riikka Guttorm Väinö Länsman Maarit K. Rasmus Sebastian Porsanger Veikko Halonen Netta Lukkari Pirjo Eriksen Heidi		Lahttu Lahttu Gr:a ovddasteaddji Gr:a ságadoalli Várrelahttu Várrelahttu Várrelahttu Várrelahttu Várrelahttu Vástideaddji doavttir	
Eará	Pieski Taina Kumpulainen Riitta Lehmonen Raija Aikio Leena Kontio Päivi Nikkinen Anna-Marja Saastamoinen Emmi	11:30 - 13:12 11:30 - 13:12 11:30 - 13:12 11:30 - 13:12 11:30 - 13:12 11:30 - 13:12 11:30 - 13:12	Gielddahoavda áššemeannudeaddji, vd. vuodđodorvohoavda Beavdegirji doalli Tulka Dikšunbarggu hoavda Dálueamit vd. rabasbálvalusa jođiheaddji	

VuolláičállosatMarkku Halonen
ságadoalliRaija Lehmonen
beavdegirji doalli**Giedahallon áššit**

25 - 41

Beavdegirri dárkkisteapmi

Dárkkistanáigi

17.5.2022

Vuolláičállosat

Aino Snellman

Anne Parkkonen

Beavdegirji dárkkisteaddjit:

Beavdegirji lea dollojuvvon albmosis

Gielldadállu 24.05.2022 00:00

Almmuhantávvala dikšu

Lágalašvuohta ja mearridanváldi

Vudolg 17.05.2022 § 25

Evttohus:

Čoahkkin gávnnavuvvo leat lágalaččat čoahkkái bovdejuvvon ja mearridanválddálaš.

Mearrádus:

Čoahkkin gávnnavuvvui leat lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid välljen

Vudolg 17.05.2022 § 26

Evttohus:

Válljet guokte beavdegirjedárkkisteaddji, geat maddái dárbbu mielde rehkenastiba jienaid.

Mearráduš:

Beavdegirjedárkkisteaddjin välljejuvuiga Aino Snellman ja Anne Parkkonen, guhte maddái dárbbu mielde rehkenastiba jienaid.

Bargoortnega dohkkeheapmi

Vudolg 17.05.2022 § 27

Evttohus:

Vuodđodorvolávdegoddi dohkkeha evttohuslisttá čoahkkima bargoortnegin.

Mearrádus:

Vuodđodorvolávdegoddi dohkkehii evttohuslisttá čoahkkima bargoortnegin.

Dili birra oanehaččat

54/00/2019

Vudolg 17.05.2022 § 28

Vuodđodorvohoavda ja eará vástuolbmot muitalit oanehaččat iežaset vástusurggiid áigeguovdilis áššiid birra.

Evttohus:

Merkejuvvo diehtun.

Mearrádus:

Merkejuvvui diehtun.

Vuodđodorvolávdegoddi

§ 29

17.05.2022

Ruhtadili birra oanehaččat

83/02.02.01/2011

Vudolg 17.05.2022 § 29

Siidomateriálan sosiála- ja dearvasvuodadoaimma bušeahta ollašumit áigodagas 1.1.- 30.4.2022.

Vuodđodorvohoavda ovdanbuktá sosiála- ja dearvasvuodadoaimma bušeahta ollašumiid (siidomateriálan).

Evttohus:

Vuodđodorvolávdegoddi merke diehtun sosiála- ja dearvasvuodadoaimma bušeahta ollašumiid áigodagas 1.1.- 30.4.2022.

Mearrádus:

Evttohus dohkkehuvvui.

Vuodđodorvolávdegoddi

§ 30

17.05.2022

Gieldačatnasabivdda ahkeolbmuid ássama ovddideapmi Lappi buresveadjinguovllus - projektii

29/00.04.02/2022

Vudolg 17.05.2022 § 30

Lappi buresveadjinguovlu bivdá gielddaid oktasašbargui ja čatnasit ahkeolbmuid ássama ovddideapmái Lappi buresveadjinguovllus guoski projektii. Projektii lea ohcon ruhtadeapmi birasministeriijas. Dán projeavtta goluide sáhtá ohcat doarjaga 133 200€. Birasministeriijaruhtadeami oassi lea eanemustá 60 % goluin (79.900€). Buresveadjinguovllu ja gielddaid oktasaš iešruhtadanoassi lea 53 300 €. Iešruhtadanoassi čohkkejuvvo buresveadjinguovllu vástuválmmaštalliid ja projektii oassálasti gielddaid vástuolbmuid bargonákan. Projeakta ollašuttu áigodagas 1.5.2022 – 30.4.2023, juos birasministeriija juolluda ruhtadeami.

Projeavtta buvttusin ráhkaduvvo plána, maid sáhtá ávkkástallat ahkeolbmuid ássamis Lappi buresveadjinguovllus ja gielddain. Plána váldá vuhtii ássama čovdosiid mas ássanbálvalusaid sáhtá rievdat ja geahppudit ja plána váldá vuhtii maid ahke- ja muitoustitlašvuoda. Projeavttas dahkko Lappi gielddain čielggadeapmi ahkeolbmuid ássama dálá dilis, proseassagovvaevttohus buresveadjinguovllu ja gielddaid gaskasaš oktasašbarggus agáiduvvi olbmuid ássama plánemis sihke buresveadjinguovllu oktasaš rávagirjjáš agáiduvvan olbmuid ássama vejolašvuodain.

Almmuhusa projektii čatnašumis galggai doaimmahit 14.4.2022 rádjai Lappi buresveadjinguovllu registrerenkantuvrii.

Vs. vuodđodorvohoavda lea almmuhan ahte Ohcejoga gielda čatnašuvvá projektii.

Evttohus:

Vuodđodorvolávdegoddi dohkkeha Ohcejoga gieldda čatnašumi Ahkeolbmuid ássama ovddideapmi Lappi buresveadjinguovllus - projektii.

Mearráduš:

Evttohus dohkkehuvvui.

Juohkin

Lappi buresveadjinguovlu/Lapin hyvinvointialue

Buohccedikšu virggi heaittiheapmi

75/01.01.00/2017

Vudolg 17.05.2022 § 31

Seaŋgaossodagas lea buohccedikšu virgi, mii lea báhcimin friddjan 1.9.2022 rájes. Gielddas lea dahkkon mearrádus, ahte go virggit báhcet friddjan dat rievdaduvvojit doaibman, jos barggu luonddu dáfus dat lea vejolaš.

Virggi heaittiheamis mearrida váldostivra.

Válmmaštalli: Dikšunbarggu hoavda Päivi Kontio

Válmmaštalli evttohus: Vuodđodorvolávdegoddi evttoha gielddaráđđehussii ja ain váldostivrii ahte seaŋgaossodaga buohccedikšu virgi heaittihuvvo 1.9.2022 rájes.

Evttohus:

Vuodđodorvolávdegoddi dohkkeha válmmaštalli evttohusa

Mearrádus:

Evttohus dohkkehuvvui.

Juohkin

GR, Váldostivra

Buohccedikšu doaimma vuodđudeapmi

76/01.01.00/2017

Vudolg 17.05.2022 § 32

Seaŋgaossodagas lea buohccedikšu virgi, mii báhcá friddjan eretcealkima dihte 1.9.2022 rájes. Gielddas lea dahkkon mearrádus, ahte go virggit báhcet friddjan dat rievdaduvvojit doaimman, jos barggu luonddu dáfus dat lea vejolaš. Váldostivrii lea evttohuvvon ahte buohccedikšu virgi heaittihuvvo 1.9.2022 rájes.

Vai barggut šaddet dikšojuvvot, de seaŋgaossodaga buohccedikšu virggi sadjái galgá vuodđudit buohccedikšu doaimma.

Válmmaštalli: Dikšunbarggu hoavda Päivi Kontio

Válmmaštalli evttohus: Vuodđodorvolávdegoddi mearrida vuodđudit buohccedikšu doaimma 1.6.2022 rájes, váldosajuštanbáikin lea Ohcejoga seaŋgaossodat.

Evttohus:

Vuodđodorvolávdegoddi dohkkeha válmmaštalli evttohusa.

Mearrádus:

Evttohus dohkkehuvvui.

Diehtosuodjeovddasvástideaddji nammadeapmi sosiáladoibmii

27/07.01.01/2016

Vudolg 17.05.2022 § 33

Vuodđodorvolávdegoddi lea čoahkkimisttis 25.2.2016 § 22 nammadan sosiáladoaimma diehtosuodjeovddasvástideaddjin rabasbálvalusjođiheaddji virgedoalli.

Sosiáladoibmii galgá nammadit ođđa diehtosuodjeovddasvástideaddji, daningo lávdegotti válljen olmmoš lea cealkán iežas eret gieldda bálvalusas.

Evttohus:

Vuodđodorvolávdegoddi mearrida nammadit sosiáladoaimma diehtosuodjevástideaddjin sosiálajođiheaddji Annaliisa Kujala.

Mearrádus:

Evttohus dohkkehuvvui.

Juohkin

Áššeosálaš

Lassemearruhta, vuodđodorvolávdegoddi

62/02.02.00/2021

Vudolg 17.05.2022 § 34

Bušeahtha lea geatnegahtti manuid ja boađuid erohusluoittu nappo netto dásis. Hálddahushoavda sáhtta mearridit mearreruđa sirdimis seamma goasttádusbáikki siste. Lávdegoddi sáhtta mearridit mearreruđa sirdimiin bargosuorggi siste ja bargosurggiid mielde ráhkaduvvon bušeahthead mearreruđaid gaskasaš sirdimiin eanemustá 10 % lávdegotti ollislašmanuin. Badjelmanni oasis nuppástusaid galgá ovdanbuktit váldostivrii. Dan lassin nettomanu badjel manni mearreruhtaevttohusat ja investeremiid mearreruhtanuppástusaid galgá álo ovdanbuktit váldostivrii.

Jagi 2022 bušehtti várrejuvvon mearreruđat mannet badjel sosiáladoaimma boađusovttadagain ja badjelmannamat eai nagoduvvo gokčat vuodđodorvolávdegotti bušehtti váldon mearreruđaid sirdimiin.

Lasseválmmaštallan:

Badjelmannamat čohkiidit sadjásačča bálkágoluin ja gieldalaččaid bálvalandárbbuid lassáneami geažil.

Korona dagahan manuide lea várrejuvvon jahkái 2022 mearreruhta 40.000 € ja dán muttus manut leat mannan badjel eanet go 43.000 €. Dáid manuide ohcat lassemearruđa maŋnelis go stáhtadoarjja čielgá (jagi 2022 koronagoluid buhtadanmeannudeapmi ii leat vel áshuvvon).

Lassemearruhtaevttohus:

Manut:

- mánáidsuodjalusa rabasfuolahussii lassemearruhta bálkámanuide 9.000 € ja bálvalusaid oastimii 102.000 € oktiibuot 111.000€

- Lámisolbmuidbálvalusaide dárbbášuvvo lasi ruhta bálvalusaid oastimii 13.000 €.

- Čálganváttot olbmuid bálvalusaide dárbbášuvvo lasi ruhta bálvalusaid oastimii 25.000 €

- Veajuiduhttima bálvalusaid oastimii 45.000 €
oktiibuot 194.000 €

Sisaboađut/ investerenprográmma 2022

- Sosiála- ja dearvasvuodadoaimma, dearvasvuodaguovddáža Lifecare-vuogádaga beaivádeamit, háhkamat, merkejuvvo sisaboahtun 154.264 €.

Gielda oažžu beaivádemiid goluide Lappi buresveadjinguovllu ICT-nuppástusdoarjjaruhtadeamis 154.264 €.

Ovdanbukton lassemearruhtaevttohus lea rehkenaston daid plánaid ja bálvalusaid ollašuvvama mielde, mat leat dán muttus dieđus, muhto lunddolaččat ollislaš dárkkes golloárvalusa ii sáhte dahkat loahppajahkáii daningo eanáš oassi sosiála- ja dearvasvuodábálvalusain leat lágas ásahuvvon, iige boahhtevuođa bálvalusdárbbuid sáhte ovddalgihitii einnostit.

Evttohus:

Vuodđodorvolávdegoddi dohkkeha bajábeale válmmaštallama mielde lassemearruhtaevttohusa ja evttoha dan gielddaráđdehussii ja ain váldostivrii dohkkehanláhkai.

Mearrádus:

Evttohus dohkkehuvvui.

Juohkin

GR, váldostivra

Sosiálafuolahuslága mielde sáhttobálvalusaid mieđihanákkat 1.7.2022 rájes

246/05.05.03/2011

Vudolg 17.05.2022 § 35

Čuovusin Sosiálafuolahuslága mielde sáhttobálvalusaid mieđihanákkat Ohcejoga gielddas 1.7.2022 rájes.

Válmmaštalli: vd. Rabasbálvalusjođiheaddji Emmi Saastamoinen

Válmmaštalli evttohus: Vuodđodorvolávdegoddi dohkkeha sosiálafuolahuslága sáhttobálvalusaid mieđihanákkaid(čuovusin) Ohcejoga gielddas 1.7.2022 rájes.

Evttohus:

Vuodđodorvolávdegoddi dohkkeha válmmaštalli evttohusa

Mearrádus:

Evttohus dohkkehuvvui.

Čuvvosat

Čuovus 1 Sosiálafuolahuslága mielde sáhttobálvalusaid mieđihanákkat ja heivehanrávvagat 1.7.2022 rájes.

Oapmahašdivššu doarjaga mieđihanákkat ja heivehanrávvagat

214/05.12.00/2013

Vudolg 17.05.2022 § 36

Oapmahašdivššu doarjja lea oapmahašdivššu doarjagis addojuvvon lága (2.12.2005/937) mielde sosiálabálvalus, man ordnen- ja gohcinovddasvástádus lea gielddas. Oapmahašdivššu doarjja lea bálvalus, mii čatnasa mearreruđa mearrái. Mearreruhta čujuhuvvo daidda geat eanemusat dárbbasit divššu ja fuolaheami.

Oapmahašdivššu doarjaga mieđihanákkaid ulbmilin lea čielggasmahttit ja fitnašuhhtit ovtaveardásažžan oapmahašdivššu doarjaga mieđiheami Ohcejoga gielddas.

Siidomateriálan Oapmahašdivššu doarjaga mieđihanákkat ja heivehanrávvagat 1.7.2022 rájes.

Válmmaštalli: VD. Rabasbálvalusjođiheaddji Emmi Saastamoinen

Válmmaštalli evttohus: Vuodđodorvolávdegoddi dohkkeha oapmahašdivššu doarjaga mieđihanákkaid ja heivehanrávvagiid 1.7.2022 rájes.

Evttohus:

Vuodđodorvolávdegoddi dohkkeha válmmaštalli evttohusa

Mearrádus:

Evttohus dohkkehuvvui.

Čuvvosat

Čuovus 2 Oapmahašdivššu doarjaga mieđihanákkat ja heivehanrávvagat

Bátnehoaktára virggi deavdin

109/01.01.01/2018

Vudolg 17.05.2022 § 37

Bátnehoaktára virgi leamašan ohcanláhka 14.4.2022 rádjai ja jotkojuvvon ohcanáiggiin 29.4.2022 rádjai.

Virgi devdojuvvo fásta.

Ohcejoga dearvasvuodaguovddáža bátnedivššohat buvttada njálmmi dearvasvuodafuolahusa bálvalusaid sullii 1200 olbmui. Bátnedivššohagas bargá bátnehoaktára lassin bátnedivššár. Dearvasvuodaguovddáži lea anus Lifecare-pasientadiehtovuogádat. Suoma áidna sápmelašeanetlogu gielddas bálvalusat buvttaduvvojit suomagillii ja davvisámegillii.

Bátnehoaktára bargguide gullá klinihkalaš barggu lassin maid njálmmi dearvasvuodafuolahusa ovttadaga doaimmas vástideapmi (vástideaddji bátnehoaktára barggut).

Gelbbolašvuodaeaktun bátnehoaktára virgái lea Suomas lágalaš bátnehoaktára gelbbolašvuolta ja doarvái buorre hárvánupmi dearvasvuodaguovddáži bargamis sihke mánáid ja ollesolbmuid bátnedivššus. Mii eaktudat ohccis erenoamáš suomagiela njálmmálaš ja čálalaš máhtu ja das galgá ovdanbuktit duođaštusa, jos eatnigiellan ii leat suomagiella. Davvisámegiela dáidu gehččojuvvo erenoamáš ánsun. Bálká ja virggi eavttut mearrašuvvet GVBES ja doavttersoahpamuša mielde, dán barggus bálká lea 5.977,29 €/mb. Ohcejoga gielda máksá bargiidasas sámegiela giellalasi njálmmálaš máhtus 125 €/mb ja čálalaš ja njálmmálaš máhtus 150 €/mb.

Virggis čuvvojuvvo guđa mánotbaji (6)geahččalanáigi. Válljejuvvon galgá ovdanbuktit dohkálaš doaktárduođaštusa dearvasvuodadilistis. Lassin eaktuduvvo njoammudávdalága 48§:s oaivvilduvvon boahkkosuodji.

Bátnehoaktára virggi ohce mearreáiggi rádjai guokte olbmo. Guktuin ohcciin lea gelbbolašvuodaeavttuid mielde bátnehoaktára gelbbolašvuolta.

Ohccit jearahallojedje 5.5. ja 6.5.2022. Jearahallamis ledje mielde vs. vuođđodorvohoavda Riitta Kumpulainen, vuođđodorvolávdegotti lahttu Mika Aikio (5.5.2022), ja dearvasvuodaguovddášdoavttir Leena Niittyvuopio-Jämsä. Jearahallanjoavkkus ledje anus siidomateriálan ohcanalmmuhus ja ohcamušáššegirijit.

Skuvlejumi, bargohárvánumi, ohcamuša ja jearahallama vuođu dahkkojuvvon oppalaš árvvoštallama vuođu jearahallanjoavku

evttoha vuodđodorvolávdegoddái, ahte bátne doaktára virgái válljejuvvo Kalle Merkku ja várresadjái válljejuvvo Liisi Bischer.

Ohcanalmmuhus ja ohcciid čoahkkáigeassu sáddejuvvo siidomateriálan vuodđodorvolávdegotti lahtuide evttohuslisttu mielde.

Evttohus:

Vuodđodorvolávdegoddi mearrida

- 1) válljet dearvasvuodaguovddášbátne doaktára virgái Kalle Merkku ja várresadjái Liisi Bischer.
- 2) dán barggu bálkán 5.977,29 €/mb.
- 3) ahte virgái válljejuvvon galgá ovdal go válljenválga nannejuvvo, ovdanbuktit dohkálaš doaktárduođastusa dearvasvuodadilistis ja čielggadusa njoammudávdalága 48§ eaktudan boahkkosuojis.
- 4) ahte virggis lea guđa mánotbaji geahččalanáigi.

Mearráduš:

Evttohus dohkkehuvvui ovttamielaláččat.

Juohkin

Ohccit

Rabasbálvalusjodiheddji virggi deavdin

33/01.01.01/2022

Vudolg 17.05.2022 § 38

Rabasbálvalusjodiheddji virgi leamašan ohcanláhkai 4.5.2022 rádjai.

Rabasbálvalusjodiheddji bargguide gullet agáiduvvi veahkadaga bálvalusaid ovdánahttin, ruoktut addojuvvon bálvalusaid doaimma organiseren, bálvalusa stivren, bálvalanplánaid ja bálvalanmearrádusaid dahkan sihke doaibmaváttolaččaid ovdánahttin oktasašbarggu sosiálabargiin. Maid ruovttubuohccedikšu ja dikšun barggu hoavda leat dehálaš oktasašbargoguoimmit. Mis lea anus doaibmannávcca árvvoštallamis RAI-programma.

Lassin rabasbálvalusjodiheddji bargui gullet earálágan doarjjabálvalusaid, dego oapmahašdivššu doarjaga ordnen, ahkeolbmuid bearašdivššu ovdánahttin, sáhttobálvalusat, bálvalusássan, 18-jagi deavdán doaibmaváttot- ja čálganvátot olbmuid bálvalusaid ordnen sihke boarrásiidráđi ja lápmásiidráđi čoahkkimiidda oassálastin.

Atnit arvvus liekkus bargodoaladumi ahkeolbmuideamet buorrin ja albma movtta bargat singuin. Mii sávvat maid ovdánahttinmieđisvuođa, buriid bargosearvvuš- ja vuorrováikkuhusdáidduid sihke máhtu iehčanas barggildeapmái. Erenoamáš ánsun oaidnit sámegeiela ja kultuvrra dovdamuša ja beroštumi/ dáhtu oahppat daid birra lasi, dasgo Ohcejoga gieldda ássiin sullii bealli leat sámeielalaččat.

Virggi gelbbolašvuodaeaktun lea sosiálafuolahusa bargiid gelbbolašvuodagábádusain 6§ dán bargui heivvolaš sosiála- ja dearvvasvuodasuorggi ámmátallaskuvladutkkus. Eaktudat iežas biilla geavahanvejolašvuođa, dasgo Ohcejoga gielda lea viiddis ja gaskkat leat guhki. Sámegeiela máhttu oidnojuvvo erenoamáš ánsun.

Dán barggus bálká lea 2800 € / mb, man lassin máksojuvvojit ahkelasit. Ohcejoga gielda máksá sámegeiela máhtus giellalasi bargiide: njálmmálaš máhtus 125 € mb ja sihke čálalaš máhtus 150 € /mb.

Virggis lea guđa mánotbaji geahččalanáigi. Válljejuvvon galgá doaimmahit ovdal virggi vuostávdima dohkálaš doaktárduodaštusa dearvvasvuodadilistis sihke čielggadusa njoammudávdalága mielde viiddis boahkkosuojis lohkuai váldojuvvon maid Njoammudávdalága mielde § 48a suodji Covid-19 dávdada vuostá.

Virgi devdojuvvo 16.5.2022 rájes dahje soahpamuša mielde.

Lassevalmmaštallan:

Mearreáigái virggi ozaiga guokte ohcci, geain nubbi devddii gelbbolašvuodagáibádusaid.

Ohcci jearahallojuvvui 11.5.2022 ja jearahallamis ledje mielde vd. rabasbálvalusa jodiheaddji Emmi Saastamoinen, vuodđodorvolávdegotti ságadoalli Markku Halonen, dikšunbarggu hoavda Päivi Kontio ja vd. vuodđodorvohoavda Riitta Kumpulainen. Jearahalliin ledje anus siidomateriálan ohcanalmmuhus ja ohcamušáššebáhpárat.

Jearahallama vuodul dahkkon ollislaš árvoštallama mielde jearahallit evttohit vuodđodorvolávdegodái ahte rabasbálvalusa jodiheaddji virgeohcan jotkojuvvo 8.6.2022 rádjai ja jo bohtan ohcamušat váldojuvvojit vuhtii virggi deavddedettiin.

Evttohus:

Vuodđodorvolávdegoddi mearrida joatkit rabasbálvalusa jodiheaddji virgeohcama 8.6.2022 rádjai ja jo bohtán ohcamušat váldojuvvojit vuhtii virggi deavddedettiin.

Mearrádus:

Evttohus dohkkehuvvui.

Juohkin

Ohccit

Ohcejoga dearvasvuodaguovddáža rabasvuostáváldima sihke searjagossodaga bargoveahkadilli geassit 2022

34/06.03/2022

Vudolg 17.05.2022 § 39

Ohcejoga dearvasvuodaguovddáža rabasvuostáváldin ja maid searjagossodaga bargoveahkadilli lea hui fuolastuhtti erenoamážit buohccedikšuid háhkama sihke doavtterdili geažil. Geasi áigái ii leat boahhtimin oktage buohccedikšu jahkeluopmosadjásaš iige gielddas leat 13.5.-11.7.2022 áigge doavttir virgegaskavuodas. Doavtterbálvalusat dikšojuvvojit máinnašuvvon áigge oastinbálvalussan.

Vai divššohasdorvolašvuoda sáhtta sihkarastit ja sáhttit dahkat vejolažžan maid doivojuvvon jahkeluomuid, mii leat boahhtán oaivillii ahte evttohat čuovvovaš doaibmabijuid 6.6.-31.7.2022 áigái:

- Buot ii-hohpolaš dearvasvuodadikšuid vuostáváldin gaskkalduhttojuvvo 6.6.-31.7.áigái. Mánáid rávvehat ja etniidrávvehat dikšojuvvo. Muitodikšu vuostáváldin geriatriija oasis ollašuhthtojuvvo soahpamuša mielde. Seniorrávvehaga doaibma geahpeduvvo.
- Laboratoria gitta vahkuid 29 ja 30 áigge, dušše fáktavuorroiskosat.
- Searjagossodaga divššohagaid sadjelohku geahpeduvvo 11 + 2-> 10 +1. Dán áigodat áigge maid divoduvvo ng. Rievssatlatnja /Riekkohuone, mii lea hui várálaš divššohasaide láhttiid allodaterohusaid geažil.
- Interválladivššut 6.6.-31.7.áigge Dorvvus, jos searjagossodagas ii leat sadji.
- Bátnedivššohat lea gitta suoidnemánu 4.7.-31.7.
- Searjagossodagas ja Dorvvus leat ihkku barggus dábálaččat oktiibuot 3 dikšu, searjagossodagas geahpeduvvo okta dikšu.
- Gáregasnjárgga ja Ohcejohka-Njuorggán guovllu ruoktodikšu ovtastuvvo 6.6-30.8.áigge.
- Buohccedikšu resurssat biddjojitt vahkuloahpaide ja eahkedii, árggaid vuostáváldimis lea buohccedikšu. Dearvasvuodadikšut buhttejit searjagossodaga buohccedikšuváni.
- Virgeolbmot (dikšunbarggu hoavda ja vástideaddji buohccedikšu) ossodatbarggus.
- Gáregasnjárgga dearvasvuodadállu rabas dušše guokte beaivvi vahkus, dearvasvuodadikšu vuostáváldin /laboratoria vuossárggaid ja ruovttubuohccedikšu maŋnebárggaid dikšojuvvo.
- Váldodeaddu ruoktut addojuvvon bálvalusain, ruovttubálvalusas, ja ruovttubuohccedivššus.

Válmmaštallit: vástideaddji dearvasvuodaguovddášdoavttir Leena Niittyvuopio-Jämsä ja dikšunbarggu hoavda Päivi Kontio.

Válmmaštalliid evttohus: Vuodđodorvolávdegoddi merke diehtun ja dohkkeha ovddabealde máinnašuvvon doaibmabijuid ja doaimma geahpedemiid 6.6.-31.7.2022 áigge.

Evttohus:

Vuodđodorvolávdegoddi dohkkeha válmmaštalliid evttohusa.

Mearrádus:

Evttohus dohkkehuvvui.

Mearreáigásaš guđege barggu mielde máksojuvvon bálkálassi dearvvasvuodafuolahusa ja sosiálafuolahusa dikšunbargiide 1.5.-30.9.2022 áigái

35/01.02.01/2022

Vudolg 17.05.2022 § 40

Njukčamánu 1. beaivve 2022 maŋŋá lea gielddahoavda dahkan virgedoalliid evttohusa vuodul virgedoallimearrádusa háhkanlasi máksimis sosiála- ja dearvvasvuodabeale sadjásažžan boahhti bargiide earet ii virgedoalliide. Dát háhkanlassi máksojuvvo 1-2 vahku bisti sadjásašvuodas 150 € ja 200 €/mb eanemustá guovtti vuosttas bargománobajis. Juksanáigumuššan leamašan ahte dat geasuhivččii dikšunbarggu ámmátolbmuid boahtit Ohcejohkii bargui ja juogadit vejolaččat orrumis ja mátkkiin šaddi goluid.

Dán háhkanlasi olggobeallái báhcet olbmot geaid bargogaskavuohtha lea doaisttázii fámus sihke olbmot geat barget guhkes sadjásašvuodaid. Dáid olbmuid buohtha barggut leat rievdan vássán guovtti jagi áigge ja mánggas leat gártan lávket muhtun muddui iežas nana ámmátmáhtu rájaid olggobeallái. Koronaiskosa váldimat, guorahallamat je. ođđa barggut mat laktásit koronai, leat dikšojuvvon Ohcejogas eanáš iešráđálaččat iežas bargoveagain almmá makkárga lassebuhtadusa. Lassin doaibmagovaid leat gártan dárkkistit, vai áššehasaid bálvalusdárbut leat nagodan vástidit nu bures go vejolaš. Bargguid leat sáhtán dikšut duššefal bargiid hui nana bargui čatnaseami ja njuovžilvuoda geažil.

Jagi álggus boah tán njoammudávdalága 48 a § mearreáigásaš láhkarievdadus lea dagahan mearkašahtti ollu dikšunbargoveaga molsašuvvama ja guhká bistán bargoeaktosoahpamušráđđádallamat ja dasa laktáseaddji badjeláiggebarggu - ja vuorrolonuhangiellidus leat noađuhan bargoveaga, mii fas ovddežis lea čavgen váttis dili. Lassin háhkamis eai leat fitnašuvvan ohccit dego diimmá jagiid. Sadjásaččat ožžot háhkanlasi, muhto fásta bargiide ii leat máksojuvvon miige bálkálassi njuovžilvuodas ja čatnaseamis bargui.

Arvosmahttima ja ovtaveardásašvuoda dihte sihke bargiid movttiidahttima ja bisuheami dihte Ohcejoga gielddas evttohan 6 % guđege barggu mielde bálkálasi daidda olbmuide, geat leat leamaš bargogaskavuodas mii lea doaisttázii fámus dahje barget badjel guovtti mánobaji sadjásašvuoda. Dát bálkálassi máksojuvvošii geassemánobajiid áiggis 1.5.-30.9 ja bálkálassi máksojuvvošii bargománobajiin - ii luomu áiggis. Dát 6 % guđege barggu mielde máksojuvvon bálkálassi ii máksojuvvo virgedoalliide.

Vuolábeale tabellii lea logahallon dat ámmátjoavkkut, geaidda bálkálassi guoská. Bušeahttaváikkuhus dás lea vuodđodorvvu bušehttii dákkár:

	Guđege barggu mielde bálká 5 mb	Guđege barggu mielde bálká 6 % bajádusain	6 %: bálká bajádus siidogoluiguin, mas lea váldon vuhtii 4 vahku jahkeluopmu /bargi-)
Buohccedikšut ja dearvvasvuodadikšut (11)	147 197,05	156 028,97	8 760
lagasdikšut (18)	204 984,90	217 284	12 200
lágádusfuolaheaddji (3) dikš/ veahkke-ásllat/	30 180	31 990	1 790
beaivválašdoaimm.jođ (5)	53 231,75	56 532,05	3 180
laboratoriadikšu./ bátnedikšu	24 594	26 069,64	1 460
Goasttádusat 6 % bálká bajádusat okt.			27 390

Válmmaštalli: Dikšunbarggu hoavda

Válmmaštalli evttohus: Vuodđodorvolávdegoddi evttoha gielddaráđđehussii bajábealde ovdanbuktojuvvon válmmaštallama mielde 6% guđege barggu mielde máksojuvvon bálkálasi mieđiheami ovddabealde máinnašuvvon dikšunsuorggi olbmuide, geat leat bargogaskavuodas, mii lea doaisttáži fámus dahje barget badjel guovtti mánotbaji sadjásašvuoda (eaige leat ožžon háhkanlasi). Dát bálkálasi máksojuvvošii geassemánobajiid áiggis 1.5.-30.9 ja bálkálasi máksojuvvošii bargománobajiin - ii luomu áiggis. Dát 6 % guđege barggu mielde máksojuvvon bálkálasi ii máksojuvvo virgedoalliide.

Guđege barggu mielde máksojuvvon bálkálasi (6% guđege barggu mielde bálkkás) máksimis šaddet golut 27.390€ ja dáidda goluide ohccojuvvo váldostivrras 27.390€ lassemearruha.

Evttohus:

Vuodđodorvolávdegoddi dohkkeha válmmaštalli evttohusa ja evttoha dan ain gielddaráđđehussii ja váldostivrii dohkkeheami várás ovddabeale válmmaštallama mielde.

Mearrádus:

Markku Halonen evttohii 6 % mieđihit bálkálasi barggu mielde maiddái virgegaskavuodas leahkki vástideaddji buohccedivššárii, man evttohusa lávdegotti lahttut guottihedje. Kirsi-Marja Wargh evttohii lasi máksima maiddái dikšunbarggu jođiheaddjái, muhto gesii evttohusas eret ovdal mearrádusa dahkama.

Vuodđodorvolávdegoddi dohkkehii válmmaštalli evttohusa lasáhusain, ahte 6 % lassi máksojuvvo vástideaddji buohccedikšárii ja evttoha dan ain gielddaráđđehussii ja váldostivrii dohkkehanláhkai ovddabeale evttohusa mielde.

Dikšunbarggu hoavda Päivi Kontio vulggii čoahkkimis mearrádusa dahkama áigái.

Juohkin

GR, váldostivra

Áššit diehtun

Vudolg 17.05.2022 § 41

Guovlluhálddahušdoaimmahat

- Mearrádus sámegielat sosiála- ja dearvvasvuodábálvalusaid dorvvasteami várás čujuhuvvon stáhtadoarjaga geavaheamis jagis 2022.

- Stivrenreive almmolaš hálddahušbargguid barggaheapmái olggobeale dahkkái.

Kela

- Bearašfriddjaodastusa mielde vanhemiidruhtabeaivvit leat ohcamis muttuid mielde 1.5.rájes- guorahala iežat vanhemiid friddja rehkenastinreaidduiguin.

- Áigái bohtindorvoinfo 22.04.2022.

- Ukraina soađi váikkuhusat vuodđoáigái bohtindoarjagii.

- Kela-táksiid fitnašuvvamis velá báikkálaččat váttisvuodát.

- Áigái bohtindorvoinfo 29.3.2022.

Suomen Kuntoutusryttäjät ry

- Terapiijafitnodatdoallit leat fuolas Kela áššehasaid áiggálaččat oaniduvvon fitnanmeriin ja geahpeduvvon fitnanmeriin: "Kela ordnen veajuiduhttin manná fuolastuhtti guvlui ",

Sisafárrendoaimmahat/Maahanmuuttovirasto

- Dieđáhus gielddaide: Gielddat mielde vuostávdima ordnedemiide – ođđa doaimmanmálla válmmaštallo.

Sosiála- ja dearvvasvuodáministeriija

- Mearrádus Stáhtadoarjagis almmolaš sosiála- ja dearvvasvuodáfuolahussii covid-19-epidemiijas jagis 2021 šaddan goluide (2 ohcanjorus).

- Stivrenreive suodjalanráđđádallamiid doarjumis barggu beales rahčamušaid (streaika, bargogielddus) áigge.

- Gieldainfo: Rávvgat sierra doaimmiid ovddasvástádusain lobiheamit sadjásašfuolahusbáikkis eret vuolgán dahje dohko máhcakeahtta báhcán máná sadjásašfuolahusbáikkái máhcaheami várás.

THL

- Dearvvasvuoda- ja buresveadjin lágádusa sosiála- ja dearvvasvuodáfuolahusa dieđuhálddašeami guoski mearrádusat.

- Ovdadieđut jagi 2021 mánáidsuodjalusa statistihkka birra.

Valvira

- Mearrádus priváhta dearvvasvuodáfuolahusa bálvalusaid addima guoski lobi rievdadeamis, 9Lives Ensihoito Oy (Liikkuva rokotuspiste CTI-92).

- Mearrádus priváhta dearvvasvuodáfuolahusa bálvalusaid addima guoski lobi rievdadeamis, 9Lives Ensihoito Oy (Liikkuva rokotuspiste DOZ-537).
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, 9Lives Ensihoito Oy (Seinäjoen ja Helsingin toimipisteet).
- Mearrádus priváhta dearvvasvuodáfuolahusa bálvalusaid addimii, Suomen Punainen Risti Tampere ossodat.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Suomen Rokotepalvelu Oy.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Pihlajalinna Lääkärikeskukset Oy.
- Mearrádus, lohpi priváhta dearvvasvuodáfuolahusa bálvalusaid addimii, Voice Doctors Oy.
- Almmuhus priváhta dearvvasvuodáfuolahusa buvttadeaddji doaibmabáikki doaibmagottiid viiddideamis, Saaristolääkärit Oy - Skärgårdsdoktorn Ab.
- Almmuhus priváhta dearvvasvuodáfuolahusa bálvalusaid addima guoski lobi rievdadeamis, Saaristolääkärit Oy - Skärgårdsdoktorn Ab.
- Mearrádus priváhta dearvvasvuodáfuolahusa bálvalusaid addima guoski lobi rievdadeamis, Debora Oy.

Gielddaráđđehus

- Váldostivrra 7.4.2022 čoahkkima ollašuhttin.
- Sadjásačča mearrideapmi gielddahovdii.
- Váldostivraálgga, Sámegeiela giellalasi máksin Ohcejoga gieldda bargiide.
- Gieldda almmuhusaid diehtun buktin jagis 2022.

Sámediggi, Sosiála- ja dearvvasvuodálávdegoddi

- Mearrádus, Ohcejoga gieldda ruhtageavahančilgehus sámegeielat sosiála - ja dearvvasvuodábálvalusaid dorvvasteami várás čujuhuvvon stáhtadoarjaga geavaheamis jagis 2021.
- Mearrádus, Ohcejoga gieldda ruhtageavahančilgehus sámegeielat sosiála - ja dearvvasvuodábálvalusaid dorvvasteami várás čujuhuvvon stáhtadoarjaga geavaheamis jagis 2021. (lassemearreruhta).

Virgedoallimearrádusat

- Háhkanlassi sode-bargovehkii (gielddahoavda).
- Eretcealkin 15.4.2022 rájes sosiálabargi virggis.
- Bálvalangaskavuoda válljema nannen, buohccedikšu searjgaossodat.
- Bálvalangaskavuoda válljema nannen, buohccedikšu searjgaossodat.
- Veahkke-ásllat -doaimma deavdin.
- Buohccedikšu doaimma deavdin, searjgaossodat.
- Buohccedikšu doaimma deavdin, searjgaossodat
- Eretcealkin 12.5.2022 rájes Veahkke-ásllat doaimmas.

- Eretcealkin 27.2.2022 rájes lagasdikšu doaimmas (ruoktobálvalus).

Evttohus:

Vuodđodorvolávdegoddi merke ahte áššit/áššegirjjit biddjon diehtun.

Mearrádus:

Evttohus dohkkehuvvui.

Nuppástusohcangildosat

Gildosiid vuodđu	Čuovvovaš mearrádusain ii gielдалága 136 § mielde oaččo dahkat vuigengáibádusa iige gielдавáidaga, dasgo mearrádus guoská dušše válmmaštallama dahje ollašuhhtima: Paragrátat 25, 26, 27, 28, 29, 32,34, 38, 39, 40, 41.
	Dasgo mearrádusas sáhttá dahkat gielдалága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragrátat 30, 31, 33, 35, 36, 37.
	Hálddahuslágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidimiin. Paragrátat ja váidingildosiid vuoddosat

Vuigengáibádusrávvagat

Vuigen-gáibádusvirge-oapmahaš ja -áigi	Čuovvovaš mearrádusaide duhtameahtun olmmoš sáhttá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus: Ohcejoga gielddarádđehus PL 41 99981 Ohcejohka Paragrátat 30, 31, 33, 35, 36, 37. Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhka almmolaš diehtofierbmái.
Vuigen-gáibádusa sisdoallu	Vuigengáibádusas galgá boahit ovdan gáibádus oktan vuodđosiiguin ja dan galgá dahkki čállit vuollái.

Váiddačujuhus

Váiddavirgeoapmahaš ja váidináigi	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvo mearrádussii oažžu ohcat nuppástusa gielдавáidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gielдавáidagiiguin maiddái áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU	
	Gielдавáidda, paragrátat	Váidináigi 30 beavvi
	Hálddahusváidda, paragrátat	Váidináigi beavvi
	Eará váiddavirgeoapmahaš, čujuhus ja poastačujuhus Paragrátat	Váidináigi beavvi beavvi beavvi
	Váidináigi álgá mearrádusas dieđu oažžumis. Váidináiggi rehkenasttedettiin diehtunoažžunbeaivi ii váldojuvvo lohku.	

Váiddagirji	<p>Váiddagirjiis galgá almmuhit</p> <ul style="list-style-type: none"> - váidi nama, poastačujuhusa, ruovttugieldda ja telefonnummira - mearrádusa, masa ohcá nuppástusa - man ráje mearrádusas váidojuvvo ja nuppástus, mii dasa gáibiduvvo dahkat - nuppástusgáibádusa ákkaid <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangieldda, poastačujuhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopijian sihke duođaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkkovuvot.</p>
Váiddaáššegirjiid doaimmaheapmi	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimus beaivi lea bassebeaivi, iehčanasvuodabeaivi, válborebeaivi, juovla- dahje jonssotruohtta dahje árgalávvardat, de váiddaáššegirjiid oažžu doaimmahit váiddavirgeoapmahažžii vuosttas beavve dan mañná. ležas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođdit nu áiggil, ahte dat gerget boahit mearrebáikái ovdal go váidináigi nohká.</p> <p>Váiddaáššegirjiid sáhtá doaimmahit maid: namma, čujuhuse, poastačujuhuse Paragrát</p> <p>Váiddaáššegirjiid galgá doaimmahit 1): namma, čujuhuse, poastačujuhuse Paragrát</p>
Lasse-dieđut	<p>Dárkilis vuigengáibádusráva/váiddačujuhuse laktojuvvo beavdegirji váldosii.</p>

¹⁾ Jos doaimmahuvvo eará sadjái go váiddavirgeoapmahažžii.